

5. Oktober 2017

Illuliorititernermut aningaasalersuineq pillugu Inatsisartut inatsisaat nr. Xx,xx,xxx 2017-imeersoq.

(Kommuninut, Nunaqarfinnut, Isorliunerusunut, Attaveqaqatigiinnermut, Ineqarnermullu Naalakkersuisoq)

Siumumiit illuliorititernermut inatsisissaq, ineqarnerlu pillugu aaqqissuusseqqinnermut ilaasoq, nuannaarutigaarput.

Ukiorpassuannortuni sineriassuatsinni ineqarnikkut aaqqissuusseqqinnerit amigaataasimapput, aammalu amerlasuutigut ataqatigiinngitsumik nunallu immikkoortuini nutarsaanerit, iluarsartuussi-nerillu piffissani assigiinngisitaartuni ingerlanneqartarsimapput. Nunatsinni ineqarneq ataatsimut isigalugu, ineqarnikkut pissutsit nikingasorujussuupput, tamanna aamma aningaasalersueriaatsimi takuneqarsinnaalluni. Ineqarnikkullu ataatsimut aaqqissuuteqqinniarnarani tamanna allanngortinni-arneqartoq pingaaruteqarpoq.

Ineqarnikkut nutaanik eqqarsarneq, Siumumi anguniarparput. Sumiiffippassuarni ilaqtariit namminneq illumik pigisaqarnissaat, siunissamilu kinguaavisa aamma kingornussinnaasaanik sanaartornerit anguneqartariaqarput. Tamanna sanaartoriaatsinik nutaaliaasunik, atortut attartuut, aammalu aningaasalersueriaatsinik naapertuuttunik pisariaqartitsissaaq, tamannalu Siumumi aqquis-siuussiffeqataaffigissallugu pingaartipparput.

Inatsisissami arlalitsigut siuariartoqassaaq. Sinerissami inissianik, illuliornissamullu periarfissat annertunerulissapput, ajornannginnerulerlutillu. Kiisalu aamma pingaarutilik, tassalu kommuunit aningaasalersuinissamut taarsigassarsiarititat aqunneqalissapput, tamanna innuttaasunut anner-tuumik oqilisaataassaaq, saaffissaq ataasiinnanngussammat.

Aaqqissuusseqqinnermilu isertitakitsut, akunnattunillu isertitallit atugaannut naapertuuttumik iluar-saassisoqassaaq. Tamassumalu aamma malitsigissavaa, sinerissami ineqarnikkut imminut piler-sorneq, nammineq angerlarsimaffeqarnerup annertusarnissaa qularnaarneqassammat.

Kiisalu aamma Siumumiit iluarisimaarparput, inuit namminneq pigisaminnik illullit iluarsaassinissamut, aserfallatsaaliinissamut aningaasanik taarsigassarsisinnanerat ingerlaqqissammat, tassa-nilu soraarnerussutisiallit inissiani pioreersuni iluarsaassinissamut aningaasat 300.000 kr-nit tiki-llugit taarsigassarsisinnaalernissaat. Kiisalu soraarnerussutisiallit inissiamik pigisallit, aappaat aam-ma inatsisissamut ilanngunniarneqarnerat, Siumumiit pitsaasutut isigigatsigu.

Siumumiillu aamma Naalakkersuisunut kaammattuutigissavarput, ineqarnikkut, illuliortiternikkut nutarsaanissami nutaaliorneq, nunatsinnilu avatangiisitsinnut naapertuuttunik, illuliortiternerit, peri-arfissatigullu innuttaasunut amerlanerusut aallaavigalugit, aaqqissuusseqqinnerit ilusilersornissaat, aammalu kommuunit peqatigalugit.

Kiisalu aamma Siumumiit pingaartipparput, inuusuttunut inissiat sinerissami annertunerusumik sa-naartorneqarnissaat, inuusuttut namminiileriaartuaarnerminni, siunissamilu namminneq pigisamik illutaannginnermi attartorlugit najugarineqarsinnaasunik.

Taamatut oqaaseqarluta, innersuussutigissavarput, ataatsimiititaliami suliarineqassasoq.

Knud Kristiansen
Siumut